

山右石刻叢編

山右石刻叢編卷九

賜進士出身直學士郎中兼翰林院修撰劉世昌撰

唐

福田寺置粥院碑

碑已殘闕就捐本計之高三尺七寸三分廣二尺三寸三分上截二十六行行三十字正書今在聞喜縣

大唐福田寺口大德法師常儀置粥院記

承奉郎行聞喜縣尉檀執柔撰

自大漢永平中西域之教流于中國垂千載矣而演口妙理
開示羣品有以為三昧之舟楫有以作五蘊之燈炬異相一
貫其惟我口師口法師俗姓鄭衛州新鄉人也始自童齡
志求出家至貞元六年夏四月言口口口軍御史口夫符
璘言之公口其事迺上表縷陳請令正度隸于此寺有口口

詔依焉遂登壇受戒時年卅師誕鍾粹氣聰悟夙發幼讀外
曲而長崇釋教探討法華唯□二經洞達奧旨使愚者發焉
智者懋焉迷者返焉視世界中常以憂如不及於寺內別置
粥堂施衆僧及時來道俗凡厯廿九載無一日而闕焉又會
僧□轉藏經厯十三載與常住造立舖店並收質錢舍屋計
出緡鑑過十萬餘資咸捨所用服玩化俗之利曾不為已有
也當寺有所遺闕法師常悉力濟之皆去難就易轉灾成福
至貞元十五祀天下大旱人用乏食百姓流離京師米斗至
五百由是父子兄弟不相保焉寺有家人號山東苦□類之
衆羅凍餒之患將適樂土詣師而別法師誡之曰法無有二
尔身我身當以美藜含糗同濟艱難使汝棄乎清淨之域吾
所不忍也由是一邑之衆俱來賀焉加以拔去沈迷度脫生

死衣冠接之以修敬長老聞之而悅服又至貞元十九年送
五臺山金□□供羅列幡花奔隘道路致講肆齋筵繕寫經
論所費莫計其數詩所謂□□□荷宜乎允歸吾師有之矣
不幸至元和十一年春邁疾在苒彌留遂命諸弟子及告門
人曰法本住乎無住生乎無生吾壽考過人今將去矣遂命
筆立遺訓施隨身所有供養僧徒冀 聖祚遐遠人民乂

安吾雖死由生且無□矣又命入室弟子海順傳付餅鉢遂
瞑目而去享年九十一僧臘六十一郡縣鄉閭遠近會葬者
千餘人咸仰師之教誠號慕流涕海順恭承遺旨復置粥院
于□十有二年門□歸依不易其素常結恋慕之志哀纏於
心恐歲月□□斯風漸泯敬為先師琢石立詞用旌不朽余
大咏五年春授此邑尉海順與上□□□詣余請製斯文辭

不能已爰考行書事荒蕪竊學用愧于懷時大和六年□□

二日記

前河中府永樂縣尉裴少慶書

聞喜縣令



主簿韋師



尉檀執柔

碑題裴少慶書裴自邑人而唐表及其世牒皆不載書法
遒勁頗類李北海乃近在外郭而無檀蠟及之者諸家著
錄亦不及亟宜表而出之唐太和年號錢竹汀辨為大和
今以此碑證之良然碑見通志金石記碑有貞元六年夏
四月御史闕夫苻璘云云璘唐書有傳又李宗閔苻璘碑
公帥所部降馬燧署為軍副以聞詔授特進太子詹事兼

御史中丞封義陽郡王又云詔公起復加左散騎常侍兼御史大夫璘碑又云貞元三年入覲擢拜輔國大將軍行左神策軍將軍知軍事十四年七月二十四日終於靖恭里賜第所云璘兼御史大夫正在建中貞元時然則碑所闕者爲大字軍字上亦有闕文疑當爲璘碑之輔國大將軍

龍泉後記

石高一尺九寸五分廣二尺二寸三行行三十九字正書今在芮城縣

縣城北七里有古魏城城西北隅有一泉其實如線派分四流澆灌百里活芮之民斯水之功也頃年已土遇旱歉前令尹因而禱之遂得神應乃降甘雨始命爲龍泉已制小屋圖其形寫龍之身爲鄉人禱祀之所尔來十有餘載神屋壞漏

墻壁頽毀圖形剥落日為牛羊蹂踐穢雜腥臊之地洎大和
五年秋六年春歷四甲子無雨雖有風雪亦不及農用土地
磽确首種不入夏四月中夜有神人貽夢於群牧使 袁公
此土愆陽日久子何不親告龍所察神之有託 袁公之意
者表居止危塌圖形曝露欲其知也 袁公夢覺曰我以職
司此地所部非少況黎人懸懸之心思雨如渴神夢若生胡
不為之行即我惠人之念何在乃命駕率所部詣神致酒脯
敬陳夜夢陰祝之如神三日之內下降甘雨即神應可知我
當大謝至靈如或不刻即夢不足徵矣言訖告歸其夜二更
風起雲布甘澤大降稍濟農人之急也乃撰吉日脩楹梁桂
醕三牲具足大饗以荅神應爰命官僚同觀罇俎之盛也澤
乃詣神祝曰澤官忝字人昧於前知致令神居處隘狹牛羊

無禁斯澤之政闕也然今日再啓明神前所感應甘澤救人
降即降矣其於耕種之勞足即未足神感如是能更驅作百
神加大雨使耕者無礙於捍耜之窳種者不懷焦悴之患
如神響應可以致之澤即集諭鄉人剷除舊舍建立新宇繪
担其形丹雘其壁炎炎赫赫必使光明斯神之應也如截道
颺如敲石火之疾不若也大降甘雨勢如盆傾霈流百川原
濕滋茂使禾稌得所耕人笈歌乃命鄉人庀工徒具畚插之
次俄有斑虵丈餘錦背龍目盤屈廢跼之上故知靈不得不
信人不得不知衆之所覩誠曰有神豈曰無神旋旋而失即
祥抓庭鏡不足以佳也爰命剷除舊屋剏立新祠素捏真形
丹青四壁古木環鬱山翠迴合乃自然肅敬之地也使巫者
啓導大陳羊豕馨香品列以荅神知噫乎有山有川即有靈

有祇有天有地即有君有臣向使靈不應人何以敬臣不任
君何以知夫礫石不簸環壁同之蕭艾不去蘭蕙同之神之
無靈草木同之斯人與神其道不遠矣大和六年歲在壬子
七月立秋日芮城縣令賜緋魚袋鄭澤記

陝撫群牧使登仕郎行內侍省掖庭局宮教博士上柱國
袁孝和

群牧使判官張稹

朝議郎行丞上柱國裴凝

承奉郎行主簿獨孤景儉

通直郎行尉劉元

給事郎行尉崔申伯

書人姚全

按通志金石記唐龍泉後記鄭澤撰姚全正書平津讀碑
記大和六年夏陝號羣牧使袁孝和禱雨龍泉有應芮城
令鄭澤爲撰此記文云大和五年秋六年春歷四甲子無
雨雖有風雪亦不及農用舊唐書本紀太和五年是冬京
師大雪六年春正月乙未朔以冬雪廢元會壬子詔去冬
以來踰月雨雪寒風尤甚陝號去京不遠其雨澤不同若
是芮城縣志壇廟五龍廟在古城龍泉上金建鄭澤記藝
文龍泉記末題金太和六年月日職官金縣令鄭澤丞裴
凝主簿獨孤景儉尉劉元崔申伯按此碑平津讀碑記以
爲唐太和刻芮城志以爲金泰和刻說各互異今揭本記
文末有太和六年歲在壬子文檢歷代帝王年表紀元編
壬子唐太和六年金泰和六年系丙寅非壬子則此碑爲

唐刻無疑縣志於碑文其道不遠矣下宜書金太和六年
月日而不知原文有太和六年歲在壬子七月立秋日等
字蓋據傳鈔文錄之未核原碑耳唐文宗年號大和金章
宗年號泰和間有作太字者亦不作大邑志可笑不足辨
又碑後題銜鄭澤外有陝號羣牧使登仕郎行內侍省掖
庭局宮教博士上柱國袁孝和判官張稹朝議郎行丞上
柱國裴凝上縣丞從入品下入品職事官正二品承奉郎
勳此亦唐人勳高官卑者多之一證也行主簿獨孤景儉通直郎行尉劉元給事郎行尉崔申伯
唐書百官志登仕郎正九品下朝議郎正六品上通直郎
從六品下承奉郎從八品上給事郎正八品上金史志文
階與此碑合者有登仕郎餘皆無唐志內侍省有掖庭局
宮教博士二人中官爲之金有內侍局而無內侍省掖庭

局唐上縣尉二人芮城望縣如土縣制金諸縣尉一員今
碑列縣尉劉元崔申伯二人與唐合此數端皆可爲是唐
非金之證碑云前令尹圖形禱祀者卽指元和三年縣令
于公所立之記元和三年至太和五年二十二年碑不曰
二十餘年而曰十餘載者廟之廢祀必在元和末也袁公
夢事甚異唐人假神設教視此者夥山川之神能出雲雨
自宜祀之必託之夢過矣碑見寰宇訪碑錄平津館讀碑
記通志金石記

惠融和尚碑

碑已殘裂就搨本計之連額高二尺七寸廣一尺七寸二
十三行字數難計正書額題故惠融禪和尚之碑銘九字
篆書今在
文水縣

勅置甘泉山寺□□禪和尚碑銘

并序

試太子中允王季撰并書

日月口悠久之象也有時而盡泡幻質斯湏之形也奄忽而無延促之諒則口口終口口於口 大師不厭三界而來不樂三界而去可謂深得自在口照口體口俗姓吳氏江陵府人也一生志行人所鮮及心不綴逸率恭儉在已口不易時食均最下萬境紛起無一物當情於人為達人於義口之日有伯仲二人相論相規超然弃俗 兄法号行口時行弟一於口其季曰恢理門吾不如汝矣由是方軫齊駕口口乘俱理精粹博綜庄老之至言揖禪河之濫觴窮物口口端良則道器非外取心顛倒則口性不現前遂遊口馬和尚敷座而坐虔跪請益將撥刷同異也心光洞契口以其靈外列臺五一指一顧未嘗不有異相呈焉盖口口煥更變又南次文

水縣□□山□頭□亦如碑十指示請 大師移居甘泉山

門傳心地法□十方□□無上菩提時碑年暮冬月隨緣

行行不告而去爰達于東□永寧縣鹿苑碑十一日起居間

小有不康跌坐就滅報齡六十五僧夏四十五門人等碑有

再中之□深□奧義永無重問之期敬以其年九月碑珠耀

如也保護將返于甘泉山門途中憩古陶唐城敬展省禮碑

泣珍之贈在□□□靈脫之祥起塔山門式彰永敬嘉以崇

崩崛起碑琦傳乎不朽者也其銘曰

眼界無染 心燈嗣輝 不碑解行齊歸 倏尔示滅

教將疇依其故國漠南 高名海內碑謹壤流輦 一

旦云亡 時來不再其揆詞貞石 銘德傳芳碑追慕

如昨 遐猷不忘其

唐太和六年歲次壬子十月庚申朔一日

七

按文水縣志甘泉寺在縣西南山隈又古蹟唐碑一在甘泉寺一在崇勝寺所謂甘泉寺碑卽此碑今搨本碑文磨泐漫漶多不可讀如云俗姓吳氏江陵府人舊唐書肅宗紀上元元年九月甲午以荊州爲南都州曰江陵府碑立於太和年在上元後故不曰荊州而曰江陵府惠融齡六十五示寂後門人起塔樹碑王摯新舊書無傳結銜稱試太子中允則非正員官可知又按縣志甘泉古刹在縣西南甘泉寺右祠內有池方廣丈餘澄澈不涸其味甚甘故名寺旁東厓半爲禪院極幽靜下有洞以通出入寺之形勝略具於此縣志云甘泉寺明正統建今按此碑標題已曰敕建甘泉寺則自唐太和前早賜寺額非自明始通志

金石記王攀作王攀

龍興寺造上方閣畫法華感應記

碑高三尺二寸廣二尺兩截刻廿九行
行字不一字徑四分行書今在鳳臺縣

城隍信士共結法華邑都有二十八人各持念法華經一品
至一二年後倫散出邑今時祇有六七人共結其志供應硤
石寺春冬二稅若科兼造上方閣一所并畫法華感應事相
及素盡弥勒佛即諸方施者共同崇矣兼述山寺奇景古德
高僧能事之跡記也郡城東南卅餘里丹流灣曲山奄翠屏
雲霞生雙髻之峯碧霧吐香鑪之石谷深景邃地近山幽巖
陰南連禮浮北接硤石之名本非寺号任通人行時共稱焉
初有曇始禪師大齊起義之首奏藏陰寺講涅槃經感野雉
來聽藏神遺口獼猴奉菓山神獻食時之異人乎其難識矣

周朝有惠遠法師即晉城霍秀人也制涅槃疏擲筆昇空
精義入神以驗其旨名振古今号擲筆臺已現存焉近唐

代宗之運神墨禪師唐之貴冑學究典墳善閑在老捨榮慕
道晦跡亡名藏陰宴坐林藪行節孤迅人難可壽貞元之時
有智通法師近 朝供奉聰惠天假其靈善談涅槃真文制
六波羅蜜疏流于地也 今有惠愔禪師業善儒門傳通子
史高道不事弁筆從緇究禪理而真心自開習心觀之惠雙
蓮居無乏所雲林是家遠尋靈跡未屆此山時有智岑善講
天台教門深遠妙源精義尤博誓為佛使行化人間來亦於
此知山靈秀景勝處幽名僧繼踵其時愔公至此欲過嵩岳
志求法華道場之處土地時運宿緣所追乃感邦伯邀留及
有清信長老結呂請住去大和二年上方勅造僧院兼置普

賢道場為山寺荒廢歲久杜絕人來道者難居蓋為差稅時
太守王公以善理人慈愛育物敬崇三寶荷護伽藍自至
山門教勸留請兼捨祿粟及勸官寮資助并咸降差科時有
清信之士以議助濟差科時有廿八人□經□年門人即倫
散出邑今有六七人同為竭力崇供山寺科舉并造閣一所
兼素畫弥勒兼諸方信施者并邑外持念經人具歷此石法
華之應事忽具載矣邑人司徒暎等宿植深厚菩提種成法
雨潤根善牙開發又能晦跡藏名隱遁州城綵肆和光混俗
樂道安貧共結良緣同修福利心貞志固刻石記文感集陳
情命余題述龍興寺上座大德道振撰邑人前試太常卿司

徒暎書

在上
截

妙法蓮華經序品第一 邑人司徒暎諷誦

妙法蓮華經方便品第二邑人

妙法蓮華經譬喻品第三邑人

妙法蓮華經信解品第四邑人

妙法蓮華經藥草喻品第五邑人

妙法蓮華經授記品第六邑人

妙法蓮華經化城喻品第七

妙法蓮華經五百弟子受記品第八

妙法蓮華經授學元學人記品第九

妙法蓮華經法師品第十

妙法蓮華經見寶塔品第十一

妙法蓮華經提婆達多品第十二

妙法蓮華經勸持品第十三

妙法蓮華經勸安樂行品第十四

妙法蓮華經從地踊出品第十五

妙法蓮華經如來壽量品第十六

妙法蓮華經分別功德品第十七

妙法蓮華經隨喜功德品第十八

妙法蓮華經法師功德品第十九

妙法蓮華經常不輕菩薩品第二十

妙法蓮華經如來神力品第二十一

妙法蓮華經囑口品第二十二

妙法蓮華經藥王菩薩本事品第二十三

妙法蓮華經妙音菩薩品第二十四

妙法蓮華經觀世音菩薩普門品第二十五

妙法蓮華經陀羅尼品第廿六

妙法華經妙莊嚴王本事品第廿七

妙法華經普賢菩薩勸發品第廿八

第二
藏

唐大和七年十月廿二日記耳

此龍興寺造上方閣畫法華感應記上座大德道振撰前
試太常卿司徒暎行書潛研堂跋尾云碑有素畫彌勒佛
之語按說文無塑字唐宋碑刻或作塙亦俗不若作素之
爲得也率之作率亦俗字訪碑錄作青蓮寺碑亦見金石
記

澤州刺史皇甫曙造金剛經幢

幢高五尺三寸八面刻面廣六寸
五分行字不等正書今在鳳臺縣

金剛經 正書 不錄

□□_舊比_舊足優婆塞優婆_{六十}聞未□阿□□聞仁所
說聞大歡喜一□奉□□□□□□□□□□□□□□_說
余年在焉訖忽聞家人傳讀是經一世思爾建立傳模暗記
數行及長思之信有宿習自弱冠至于今時念不輟常願廣
宣同志播於無窮今_金刊石建幢永為供養開成元年歲次
丙辰五月七日建

澤州刺史皇甫曙記

唐澤州刺史皇甫曙書金剛經石幢得於郡城北樓高臺
寺下土中考澤州古建州隋開皇三年改建州為澤州置
長平郡澤州之名自此始唐初屬河東道澤州高平郡治
獲澤其後或置或廢或徙或復至天寶元年復改澤州為
高平郡乾元元年仍改高平郡為澤州詳其地址今澤州

郡城卽隋所置之長平郡唐之高平郡也隋雖改建州爲澤州而建州故址別爲一城實在今郡城附郭鳳臺縣東二十里之高都村卽唐所置之晉城縣也然則今之澤州在隋爲長平郡在唐爲高平郡自肅宗乾元後終唐之世爲澤州此幢建於開成元年丙辰五月七日澤州刺史皇甫曙考開成爲唐文宗年號文宗自丁未改元太和閱九年改元開成開成元年適爲丙辰曙於此時爲澤州刺史書建此碑稽之府志歷任職官無曙名惟鳳臺縣續志職官有曙小傳云字履道元和十一年登第寶歷間崔從鎮淮南辟爲行軍司馬薦授澤州刺史與白居易友善在州多題詠數以詩驛寄居易往返唱和藝文志有石佛谷五言古詩一首至金石古蹟郡縣志均無此碑曙在元和長

慶間有聲文苑且詳其字體雖多漫漶而筆意含蓄書法
實工在唐碑中亦錚錚者考香山集初冬月夜得皇甫澤
州手札并詩報書題長句有情冷玉韻兩三章落箔銀鈎
八九行之語曙蓋不僅以詩著兼以書名者舊志不應闕
漏不載蓋無可稽攷此碑之埋沒久矣攷唐詩紀事曙於
憲宗時中書舍人李逢吉下登第逢吉所擢多寒素時有
詩曰元和天子丙申年二十三人同得仙袍似爛銀文似
錦相將白日上青天是詩爲曙作也是歲高澥第一人劉
端夫李行方周匡物廖有方輩皆預選史載憲宗自丙戌
改元元和十一年適爲元和丙申詩與史合又顧茂倫編
唐詩英華引唐詩紀事亦載寶厯間崔從鎮淮南曙爲行
軍司馬似爲續志所本攷寶厯爲敬宗年號自乙巳改元

僅二年耳其爲行軍司馬應在寶厯及文宗太和間史無
單傳故出處或有未詳歟綜考曙自元和登第至開成元
年丙辰爲澤州刺史厯憲宗穆宗敬宗以至文宗二十年
間出處可見者如此餘無可攷幸賴此碑之出可以爲志
傳之徵而補其闕漏乃此碑之出詢之士人已八九年矣
予於道光丁亥重九日偕僚屬登城閱城基俗所稱鳳凰
臺者東向開一洞疑爲治圃者所侵損見其旁有石半沒
土中意欲用爲界石護此臺以護城基而寺中老僧指點
曰石卽洞中物其上有字似金剛經語又疑爲或是古僧
墓也俾出諸土拂拭而盥洗之翌日囑張劉二廣文覓人
搨印審視始詳其年月及建碑人姓名爲考據如右因以
歎物之顯晦有時而此外之消沈於荒煙蔓草滅沒而不

出者又可勝道哉此固亦文獻所關因爲移諸明道書院
文昌祠東夾室俾垂諸永遠以貽愛古者是爲記道光丁
亥新城王允楚記

按曙元和十一年登第狀元爲鄭解据御史臺題名碑唐詩紀事
作高澥誤唐諱丙作景此不諱疑後人誤開諸書未著錄

黃公記

碑刻碧落釋文上截高二尺廣三尺
二十入行行十五字正書今在絳州

黃公記

絳州道士觀其教所謂碧落尊像□□石爲之其背篆書六
百三十九字□是永隆中孝子李謨謨等爲妣助冥福建也
文體亦當時宏贍者篆六百三十九字蹤蹟奇古妙絕世傳
李監陽冰見□大嘆異服膺像下句時卒不得影響□熱中

以椎椎之今有損處若拳者一□也然因是斯篆顯於世競摹寫所謂□落碑者余討史氏得譔之本末乃□□忠烈者也

高祖子韓王元嘉嘉生譔別封黃□公天后時諸武欲掩

神器王□為絳州刺史公不勝忍自京託疾至絳與王潛議起兵誅諸武迎

中□於房陵時瑯琊王沖亦與謀□有日矣不幸沖不俟期先起以敗公□王發覺伏誅嗚呼史云公父子皆□□法為重人尤好古學家藏書埒天□□書本為詳定公為文與當時周思□□刺貞者齊名觀中別有記云荆人□□王書者非也惟王絕不聞必公自□□以在疚故沒耳不然何書工如此□□而不悉其人乎是必無惟王余重□□忠節不顯

舉世祇以碧落聞碧落口口好事者以惟玉偽故刻石碑旁
弔口口爾時開口二年十一月二十五日口口長史李漢記

按碑末題開成二年十一月二十五日絳州長史李漢記

今拓本多磨泐此新唐書宗室傳淮陽壯王道元弟道明
據通志金石記

六世孫漢字南紀少事韓愈通古學屬辭雄蔚擢進士第
累遷左拾遺是時王政謬僻漢言切多所救補坐姪訐出
佐興元幕府文宗立召爲屯田員外郎史館修撰論次憲
宗實錄書李吉甫事不假借子德裕惡之會李宗閔當國
擢知制誥稍進御史中丞吏部侍郎德裕復輔政出爲汾
州刺史宗閔再逐改州司馬詔有司不二十年不得用然
不數歲徙絳州長史遂不復振大中時史不言何年爲絳
召拜宗正少卿卒長史以碑考之則在開成年碑言韓王元嘉生譔別封黃

公云云舊唐書高祖二十二子傳韓王元嘉高祖第十一子高宗末元嘉轉澤州刺史及天后臨朝攝政欲順物情乃進授元嘉爲太尉定州刺史霍王元軌爲司徒青州刺史舒王元名爲司空隆州刺史魯王靈夔爲太子太師蘇州刺史越王貞爲太子太傅安州都督紀王慎爲太子太保並外示尊崇實無所綜理其後漸將誅戮宗室諸王不附已者元嘉大懼與其子通州刺史黃公譔及越王貞父子謀起兵於是皇宗國戚內外相連者甚廣遣使報貞子琅邪王沖曰四面同來事無不濟沖與諸道計料未審而先發兵倉卒唯貞應之諸道莫有赴者故其事不成元嘉坐誅譔少以文才見知諸王子中與琅邪王沖爲一時之秀凡所交結皆當代名士時天下犯罪籍沒者甚衆唯沖

與譔父子書籍最多皆文句詳定祕閣所不及校史所云
多與碑合又按此記斷碧落碑爲黃公譔書并辨陳惟玉
書之訛碑立開成二年碑見平津讀碑記通志金石記

王劉趙珍等造陀羅尼經幢

幢高三尺四寸五分入面面廣六寸五分經七面
記一面兩截刻七行行字不一正書今在鳳臺縣

經不錄

佛頂尊勝陀羅尼石幢讚文

并序

處士趙洞微述文兼書

夫天□□得道生之藥□金七返墮身惟真言之可救拔是
佛陀波利問大聖於五臺遠陟流沙寶神呪於七載佛頂尊
經者金果宣□以重譯為五部之真宗千佛之上道善主捧
受免阿鼻之苦厄天帝傳時教敷揚於沙界層幢迴聳霑澤
者銷殃石塔岩甕□塵者滅罪則有擇□居士王劉趙珍魏

幹張仲卿□□武全誼左立唐二娘等曉王且忍達真如瞻
礼巡遊□夾□□此寺形盤鬱陸遠大師之遺跡北觀翠閣
崢嶸□憶□之初稱周則佳伯於心李□□□□順貝因
如何濟渡衆命良匠各舍家財琢石凋鏤鎮來□□坐普賢
西歸弥勒象□□其□祥雲襲襲□其為如山岳之不傾同
地子固謂余知道眾請屬詞述讚書經乃因不□□詞曰

沉二三界 生死乃大 作□六走 本因聖儼 以苗出

走 經文吳載 諸公勸跡 福謙永賴

在上截

鑄經施主 王榮 五十字 杜秀 六十字

在下截

王公雅 五十字 續楚 五十字

左

下因

三百字 康一娘 一百字

邑人眾修功德主□□□

崔仲卿 广□□ 王志□

唐開成四季己巳歲五月二日

此趙珍等造陀羅尼經幢趙洞微撰序讚並正書後書開
成四年己巳五月二日開成爲文宗第二建元元年丙辰
四年己未非己巳其爲幢誤無疑

李光顏碑

碑高六尺六寸五分廣三尺二寸七分二
十九行行六十字正書今在榆次縣趙村

唐故河東節度觀察處置等使開府儀同三司守司徒兼侍
中太原尹北都留守贈太尉李公神道碑 并序

河東節度觀察處置等使金紫光祿大夫檢校吏部尚書
同中書門下平章事兼太原尹北都留守上柱國彭原郡
開國公食邑一千户李程撰

夏綬銀宥等州觀察□官登仕郎監察御史襄行雲騎尉
郭虔書

□□大厦者實先榱棟利涉巨川者必具舟楫在 憲

宗時淮夷阻 命厯選將帥大興師戎始以忠武軍節

度使李公首膺注 意之選終成殲寇之効榮勲行賞

公實居多故幅員千里盡成內地男女万户不為匪人任土
之貢歲入 王府誰其致之知所自矣公諱光顏字光

遠其先出軒輅因部為姓号阿跌氏陰山貴種奕代勲華公
生於將門早奉成訓忠孝兩大文武全才學劍既成就書不
倦爰自裨將則有盛名早與其兄靈武節度使光進其初同
在戎府司徒馬公鎮理河東置之戲下嘗所器異默而志之
因間謂公曰爾有□□終當光大但吾不得見其時耳授以

所執劔杖亦呂虔佩刀之義也其後手挈偏師以合羣帥討
楊惠琳於夏臺破劉闢於西蜀由是雄名赫赫冠曜諸軍矣
夫章述盛烈褒表元臣略其細而舉其大蓋春秋之旨也挹
洪流者豈觀濫觴仰屠臺者不言累土如至奉 國盡忠

在家惟孝信著朋友愛均弟兄慈惠以牧人恩威以撫士官
修其業吏不敢欺章章焉著於公論矣其在許昌也則慎固
封略繕完兵甲居安不敢忘戰臨敵而未嘗墮農是以農戰
交務偶俱無闕有若曹公師次學校是修祭遵軍中俎豆不
廢得非刃有餘地才可兼人者乎鄆人不襲命口討叛遂有
義成之拜公以所統者許師所處者東郡疏陳利害遂復其
舊焉連下諸城而齊寇歛跡旋師未幾移鎮邠土塞邊隙而
遏戎隧也會 穆宗踐祚寵綏勲賢以本官同中書門

下平章事復遷歧下寄重股肱幽鎮挺灾輔車為口詢于羣
議非公莫能促召不俟駕而至再摠忠武之師兼魏博行營
節度使方將盡敵復 命以報 渥恩属 聖皇

軫好生之念下班師之令公乃還鎮休馬息人浚郊逐帥李
齊怙亂 帝用震怒俾公問罪朝受 命而暮即戎

送入其封軍聲大振叛者恐懼悉銳而來未及成列公用奇
擊敗旗靡轍亂投戈弃甲追奔逐北如火燎原歟殺首惡遂
納其師微公之力則不及此進檢校司徒兼侍中策元勲而
勸列鎮也其後秉圭入 覲請代歸 朝伏奏青蒲

瀝誠至懇 上以許人仁望勉諭再三俾口旋止眾庶

相賀或抃或歌雖然歡呼勢不可遏其得人也如此之深復
歷半紀績用大就司徒為真依前同平章事獎殊勞而銘景

鍾矣翌歲戀

闕誠切拜章率來

上以太原公之

故里畫錦而往孰不榮之拜河東節度使北都留守太原尹
公發跡并部人皆懷之及公之來如渴者得飲寒者挾纊陶
陶焉熙熙焉自不知其所以然也吏不按而口自息軍不刑
而令無犯無小無大各附所安則公之才之量曷可涯也於
戲邦國將瘁陰陽譴災浹辰之口口魄俱逝享年六十有五
寶曆二年九月三日薨于位并人罷市 天子撤懸廢

朝三日悼宗臣也冊贈太尉明年二月廿二日葬于
太原縣孝敬原夫人隴西縣太君阿史那氏祔焉禮也嗣子
昌元鄜坊丹延等州節度觀察處置等使檢校戶部尚書兼
御史大夫上柱國次子扶元守左龍武軍口將軍知軍事兼
御史中丞次繼元前行太常寺主簿次誠元守朔州司馬兼

監察御史次建元前河東節度右都押衙檢校國子祭酒兼
殿中侍御史次興元前守衛王友兼監察御史次榮元守右
羽林軍統軍檢校左散騎常侍兼御史大夫次奉元前行太
原府清源縣丞次播元前河東節度押衙左門口兵馬使兼
監察御史次安元右軍先鋒兵馬使守右驍衛將軍咸稟義
方各勤職業或秉旄於戎閫或口衛於禁營或連榮於

朝班或接武於賓護皆有令稱不隕家聲以程忝公深
知脩熟休烈豐碑見託安敢讓辭相國晉公文者宗匠書公
盛績永誌_⑤堂琬_⑥之詞傳於衆口故今之甄述得以略焉
其辭曰

四時運行歲功聿成羣雄經口王度乃貞於赫太尉五世間
生周之方邵漢之韓彭智叶蒼蔡心為權衡撓之不濁澄之

益清孝乎其親友于其兄六踐台席□□□□□若□國□
□長□□□□□之與京蒼生瞻戴 天子倚愛發
跡并部知名當代危自我安否自我泰忠無我先功莫我大
羣山蒼蒼□水湯湯兵□□□握□□內□吏心外靖戎
疆俗既庶富人方樂康神理冥冥天道茫茫不臻期頤孰謂
延長泉扃一掩千載傳芳

開成五年八月十四日建

汝南翟文剗刻字

按碑題河東節度觀察等使檢校吏部尚書同中書門下
平章事兼太原尹北都留守上柱國彭原郡開國公李程
撰夏綬銀宥等州觀察闕官監察御史裏行雲騎尉郭虔
書舊唐書李程傳字表臣隴西人元和十三年四月拜禮

部侍郎六月出爲鄂岳觀察使入爲吏部侍郎封渭源男
敬宗卽位之五月以本官同平章事尋加中書侍郎進封
彭原郡公寶厯二年罷相檢校兵部尙書同平章事太原
尹北都留守河東節度使太和四年三月檢校左僕射河
中節度六年七月徵爲左僕射七年六月檢校司空宣武
節度九年復爲河中節度開成元年五月復爲右僕射二
年三月檢校司徒山南東道節度卒按舊書本紀光顏以
寶厯二年九月戊辰卒於河東節度程以是月壬申爲河
東是程卽代光顏至開成五年八月立碑則程已先卒於
山南東道開成四年八月癸亥牛僧孺爲山南東道節度卽代程者此碑題銜系據程
撰文時官碑言憲宗時淮夷阻命忠武軍節度使李公首
膺注意之選終成殄寇之效策勳行賞公實居多舊光顏

傳元和九年將討淮蔡九月遷陳州刺史充忠武軍都知

兵馬使

本紀是月甲戌朔

踰月遷忠武節度使

本紀十月王戌

會朝廷徵

天下兵討吳元濟詔光顏以本軍獨當一面又本紀田宏正子布韓宏子公武各率師隸光顏討賊所謂首膺注意之選也本紀元和十年三月李光顏破賊於南頓五月丙申李光顏大破賊黨於洄曲裴度使還奏惟光顏必能立功十一年正月甲子光顏奏破賊十二年四月辛卯李光顏破賊三萬于鄆城十月壬申裴度往施口觀板築賊遽至李光顏田布扼其歸路大敗之舊傳賊知光顏勇冠諸將乃悉其衆出當光顏之師李愬乘其無備襲蔡州拔之獲元濟所謂終成殄寇之效也舊傳賊平加檢校司空十三年春宴光顏于居第賜芻米二十餘車憲宗又御麟德

殿召對賜金帶錦綵所謂策勳行賞公實居多也碑云公
諱光顏字光遠姓阿跌氏與其兄光進同在戎府司徒馬
公鎮理河東置之麾下舊光進傳嘗從馬燧救臨洛戰涇
水收河中皆有功此置之麾下之證碑言馬燧授以劍杖
此見燧深識光顏與李愬授牛元翼劍事略同碑云討楊
惠琳於夏臺破劉闢於西蜀按皆見舊光顏及嚴綬傳碑
言鄆人不襲遂有義成之拜舊傳東討李師道授義成節
度本紀元和十三
年五月丙辰師道以鄆州拒命故曰鄆人碑云公疏
陳遂復其舊此指本紀元和十三年十月丙子光顏復爲
忠武事又本紀十四年五月丙戌忠武李光顏爲邠甯事
仍以忠武六
千人赴鎮十五年九月戊午加光顏同中書門下平章
事長慶元年二月癸丑光顏爲鳳翔節度使十二月戊寅

光顏爲忠武節度仍兼深冀行營與碑移鎮邠土復遷岐
下再總忠武之師合惟諸書云深冀碑云魏博疑碑誤碑
言方將盡敵復命以報屬下班師之令公乃還鎮舊傳光
顏縣軍討賊難於饋運朝廷又以滄景德棣等州俾之兼
管可便飛輓光顏以朝廷制置乖方懇辭兼鎮尋祈歸鎮
碑所述似爲光顏諱潛研堂金石文跋尾據碑文與本傳
光顏未嘗帥橫海軍而宰相表云長慶四年橫海節度使
李光顏守司徒誤通鑑長慶二年二月癸未加李光顏橫
海節度使忠武深州行營節度如故三月李光顏所將兵
聞當留滄景皆大呼西走光顏不能制驚懼成疾己酉上
表固辭橫海節乞歸許州許之故知此碑所云爲光顏諱
也光顏据通鑑及舊書有拜橫海事長慶四年則實鎮忠

武表誤系耳舊傳汴州李齊逐其帥詔光顏討之軍於尉氏俄而誅齊亦與碑李齊怙亂俾公問罪遂入其封合碑云進檢校司徒遷侍中通鑑長慶二年八月丁丑加李光顏兼侍中舊書本紀長慶四年六月丙申加李光顏守司徒寶曆元年七月癸卯忠武守司徒兼侍中李光顏爲太原尹北都留守河東節度使乙卯正衙命使冊司徒李光顏與碑司徒爲眞拜河東合碑云年六十五傳云卒年六十六廢朝三日冊贈太尉碑傳皆同碑言寶曆二年九月三日薨明年二月二十二日葬孝敬原夫人阿史那氏祔据李良臣碑夫人阿史那氏可子昌元鄜坊丹延等州節度觀察等使舊書汗之女光顏夫人亦突厥族也本紀開成四年四月壬子右羽林統軍李昌元爲鄜坊節度使扶元左龍武將軍繼元前行太誠元守朔州司馬建元前河東右興元守衛王友兼榮元兼監察御史

守右羽奉元前行清源縣丞播元前河東押衙安元右軍先鋒兵馬使守右驍衛將軍
 校新書宰相世系表不及光進光顏子得此可補其闕碑
 見金石錄補金石萃編寰宇訪碑錄通志金石記

雞田李氏本河曲部落稽阿跌之族至光進賜姓李

賀之

雞田州刺史充

延豐

雞田州刺史

良臣

雞田州刺史遷御史中丞

光玘

朔方都將

定塞軍使

光進

朔方節度使

季元

河東衙前兵馬

良臣碑云

使檢校太子

賓客兼監察

御史遷碑又

于先朔度辛和方良
 朔鎮方使于十進節臣
 方振也靈靈年碑度碑云
 表武光武武光云李朔
 諱終進節進元李朔

燧元

陳許節度押衙

檢校太子賓客兼監察御史

毅元

綬元宣義郎行太原

府太原

縣尉

宗元

吉元

光顔河東節度使守司徒兼侍中

昌元鄜坊丹延等州

節度觀察等使舊書本紀

開成四年四月壬子右羽

林統軍燭輝

扶元左龍武將軍

繼元前行太常主簿

誠元守朔州司馬兼

監察御史杜牧李誠元除

朔州刺史制敕銀青光祿

大夫檢校國子祭酒前使

持節都督勝州諸軍事兼

勝州刺史御史中丞充本

州押蕃落及義勇軍等使

上柱國李誠
元開元時吐
蕃上書悖慢
無禮皆邊將
造僞交關華
夷冀立功勲
以求爵賞自
長慶已降怠
於制置西北
守帥多非其
人侵虐種落
厚自封殖至
使忿鷙之性
不甘欺奪之
苦近者聚為
內寇至乃騷
動天下因令
循撫果效信
順是以屢詔
執事慎於選

求命曰誠元
家本北邊志
氣慷慨將軍
之子頗傳父
業學萬人敵
知四夷事跡
榆林之前政
寄馬邑之名
邦仍留兼官
用震殊俗夫
車馬甲兵戰
之器也禮樂
慈愛戰所蓄
也然後要之
誠信禦以堅
明雖曰戎狄
豈不畏服深
期國士無類
家聲可檢校
國子祭酒使

持節朔州諸
軍事兼朔州
刺史御史中
丞散官勳如
故按牧以大
中五年拜考
功郎中知制
誥六年拜中
書舍人卒此
誠元大中五
六年自前勝
刺除朔刺之
證在立碑後
十數年故官
已迭進至朔
刺亦可補世
系表之闕

建元
前河東
右都押

衛

興元
守衛王友兼監

察御史

榮元
守右羽林統軍

奉元
前行清源縣丞

播元
前河東押衙

安元
右軍先鋒兵馬

使守右驍衛

將軍舊唐書

懿宗紀有朔

方節度使李

宴元疑即安

元

王宰題記

碑高二尺五寸廣三尺四寸二十九行
行十八字字徑八分正書今在靈石縣

河東節度觀察等使光祿大夫檢校司徒兼太原尹北都留守御史大夫上柱國太原郡開國公食邑二千戶王宰

開成五年自隴州防禦使拜工部尚書節制邠寧至會昌三年蒙恩換許昌節至九月自許昌統當軍驍卒泊河陽義成宣武浙西宣歙等軍兵馬充攻討使誅除蠹闕寇嗣至四年八月十日梟逆首獻闕下蒙恩拜寵除左僕射至九月將歸許昌軍次溫縣天使持節至又授寵詔遷鎮北門十月過此至會昌六年

上登寶位蒙恩加司空至大中元年奏以雲蔚朔三州之腹為賊喉要故戍舊封多所廢缺蕃寇奔突無所限礙又

相厥土濃壤可出軍食遂疏其利宜請立耕戰三城募卒六
千任其事務農習戰永斥邊寇克富軍儲至二年九月秋成
境肅 上錄其功 詔就拜司徒宰以叨乘微効桓寄北都
及今五稔日懼幸悔靡遑非據遂瀝誠拜章乞覲 明庭
既蒙 恩下允誠懇至十二月十二日遂得桓 詔擁節趨
闕赴正

朝聘之禮至明年正月十一日又蒙

聖旨并加光祿大夫依前檢校司徒却歸本鎮至二月五日
過此因覽其重巒復疊積樹叅差泳水迴牙而潺湲天險蔽
抱而崇固可壯夫 霸圖 皇業万代之基駐旆關亭吟睇
移景又覩 中令河東公及相國 令狐公左揆 狄公相
國 崔公來游之題列遂輒紀其轉歷及往復所自云

從弟節度判官殿中侍御史內供奉賜緋魚袋坤男前
口司禦錄事叅軍嗣宗並從行

此河東節度王宰以大中三年二月自京師還鎮道經靈
石追憶會昌四年遷鎮過此因刻石紀行且彰功伐靈石
縣志照碑灘在夏門西數里汾水之南石壁峭立有唐節
度使王宰碑其北有通濟橋蘭陵蕭珙碑兩碑相照皆摩
崖書水落乃可搨取以地在幽僻是以世罕知者王宰唐
書本傳王智興懷州溫人子晏宰後去晏獨名宰累擢邠
甯處節度使回鶻平徙忠武軍討劉稹也詔宰出魏博趨
磁州以兵五千摧鋒兼統河陽行營進取天井關攻陵川
破賊石會關進攻澤州其將郭誼殺稹降宰傳首京師遂
節度太原宣宗初入朝結權幸求相周墀劾之乃還軍吐

蕃引党項回鶻寇河西詔統代諸軍進擊以疾不任事徙
河陽罷爲太子少保分司東都進少傅卒厯任與此記合
惟方鎮表大中五年以隴州置防禦使據此則在開成之
初不自大中始矣許昌屬許州潁川郡忠武節度治許故
曰許昌節河陽義成宣武浙西宣歙諸軍並見方鎮表曰
壺關寇嗣者以劉稹爲從諫嗣子昭義軍節度治潞州上
黨郡郡屬有壺關縣漢書地理志壺口關天井關並上黨
郡曰遷鎮北門者宰白忠武移節河東爲京師北鎮方鎮
表開元十一年更天兵軍節度爲太原府以北諸軍州節
度河東度支營田使兼北都留守領太原以及遼石嵐汾
代忻朔蔚雲九州治太原十八年更太原以北諸軍州節
度爲河東節度會昌三年以雲蔚朔三州置大同都團練

使治雲州四年升大同都防禦使宰於大中初疏奏三城耕戰之備上錄其功是大同防禦仍受制於節度也唐靈石隸汾州西河郡南有陰地關又有長甯關所云駐旆關亭是也中令河東公指裴度相國令狐公指令狐綯左揆狄公指狄兼謩相國崔公指崔鉉諸公留題未知崖壁間尚可蹤跡否碑見通志金石記

侯真人降生臺記

石已殘裂就搨本計之高一尺五寸廣一尺七寸八分二十三行字數難稽正書今在芮城縣西二里紫清觀側侯真人降生臺記

河南府

卷九

大唐大中五年五月廿日河中府永樂縣中條山陽道靜院道士侯名道華修道昇仙時年三十四芮城人也真人生而

如愚默悟道是非泯絕嘯傲雲水初常庶人之服師事道靜

院主周悟仙器貌純樸嘗役之以農耕勞之以樵採悟仙弟

子十餘輩共輕而賤之真人內自敏曉外自哈哈然口亦咄

咄而詠曰道也者不可須臾離也尺鷃安知一舉九萬乎悟

仙聞而奇之乃授道衣執勞無替師役之暇則採藥草鍊五

粒松栢子及根葉或口之或吞之人莫識其術一旦暴疾如

中惡毒久而乃活不喜聞鹽米之氣好作詩歌獨吟朗詠人

或覺其聲音清暢亦或覺其肌骨洞徹真人曾省兄歸芮之

故里路經進士崔瑄書齋之壁有一芝草真人看而笑指芝

曰曾於五老峰側得而食之其年夏之清旦有一羽客并一

童子忽至廬中口及坐曰吾居匪遙聞君至道故相訪耳君

道已成仙籍有名及期來迎言訖而去真人送行北升山坡

數里乃失□□□載已遇之令侯改姓與名為李內芝名繁

上清宮善□□進院真人□鄧天尊殿前林松暗翳三光耀

蔽啟其師剝去繁枝忽有范陽盧穎自蒲幕寄寓永樂園遊

道靜因詰剝枝者誰曰道華盧君樸責欲請邑宰按其事豈

非宿殃乎乃詣道士姚黃中請筮及卦成姚曰兆云无咎有

喜憂之何也真人笑而不答姚乃飲以卮酒而歸中途遇一

老人偕之俱行忽覺喉中塞而且痒老人曰開口乃折桑枝

攪其喉吐蟲出約三升頭黑身白長寸餘行數里喉又痒老

人曰口澗流而漱復出蟲三升狀若前者逡巡失其老人是

夜歸院來已師令下山刈麥三十餘畝不終日而盡擔負積

院路有山樓曰日此後水不再食也是夜同道流但見沐

浴以為收變熱夜及半烈風雷雨折樹驚人及曉道華之戶

尚開衆開而覓之不知所從房中惟有燒文書之爐天尊殿

西有一松高六丈上有爐香一烟火未絕并所報幾履在地

其冠帔繫結松梢不可得而取之房中鏡子帶上有詩曰鍊

得大還丹多年色不移前宵盜吃却今夜碧空飛慙愧深珍

重珍重鄧尊師多時鍊得藥留著待內芝吾師知此術速煉

莫為遲三清專心待大羅的有期於是具聞薦察上奏官吏

士庶瞻禮稱歎焚香供養日有千衆歲餘不絕玄暮宰芮之

日脩聞斯實欲旌顯之乃於縣西北約二里古道之右即真

人降生之地藥臺刻石永傳不朽時咸通三年十月一日記

剖鷄利刃多暇有惡必懲□□必舉乃於余嘗作尉□□

□□□人昇仙之□前聞符驗噫□□□□賢哲猶旌

其跡俾□道□□□□勒故故鄉是刻石舊居以斯□

節時有

附書於此

碑後五行尚有可辨之字與志書所載者不同

按唐會要大中五年五月河中節度使鄭光奏永樂縣道士侯道華上昇詔改所居道淨院爲昇仙院仍賜帛五百正以飾廊房卽此碑所云芮城縣志侯真人降生臺在城西紫清觀側唐大中五年昇仙咸通三年邑令高元暮築臺刻石今存碑多磨泐今據縣志補所云具聞廉察者唐河中節度例兼河中晉絳等州觀察使唐文粹盧肇宣城新興寺碑裴公三爲廉察全唐文李玘授鳳翔節度使制兼尹正察廉之任皆謂觀察使碑不言廉察名氏以唐會要考之卽鄭光縣志高元暮陸渾人唐咸通三年任縣令與碑題年合碑見通志金石記

禹廟什物記

石高一尺一寸五分廣一尺六寸二十五行
行四字至二十一字不等正書今在夏縣

禹廟創修什物記

陝府夏縣令李構立

古之神人有於五行之間以一功濟人一德利物者雖聰今
綴古迭帝更王運斗移星變鱗換骨莫不交天接地瞻嶽望
河媼祖配宗素容繪質而祭之以報也況

聖禹有灣環豁達發遏通蒙盡聖窮神震竒耀異駕龍御馱
肇石擘山鍾海注河開天拓地之力焉美哉 禹功微 禹
吾其魚乎於是 國家者崇飾都隅肅清廟與永遵祀典
大報神靈俾春秋彰祭薦之儀冀億兆有虔祈之所苟一物
不脩一事不供則何以副如在之誠表至誠之感耶

聖唐咸通七年秋夏縣令朝議郎柱國隴西公搆輟自澄城
宰于茲邑孜孜於理本心鏡愈明矻矻於化源思波弥洽鬼
毫基直琴絲益清歌德頌功衆人一口仍於請雨無不戴星
亦既動天悉皆應日每以四時禱告凡物黷遺用擾孤孽良
深惻隱因而楨帥毀圯緝塤房廊始設縈扃俾知啓閉就中
什物要在一勞自是朱戶纔開青煙已起所口聯綿永遠瘳
絕盤牽猶疑專掌不精因備假器是以口題其目刻勒貞珉
固無愧於幽玄實有裨於教化傳所謂善之大者其是之謂
乎咸通九年春二月十有六日應書判拔萃前鄉貢三傳傅
單記

捌尺食床壹張 方肆食床壹張 茶床子貳 衣架貳
捌尺狹床兩張 陸尺床子兩張 椅子壹對 行爐

壹 捌尺蒲合子兩領 口尺蒲合子兩領 玖尺板床

壹

廳吏牛弘書

趙慶鵠

按碑題陝府夏縣令李構立夏縣志咸通九年知縣李構
重修傳單作記卽此碑又縣志官師志知縣唐李構咸通
間任修禹廟今搨本作李構又記內云聖唐咸通七年秋
夏縣令朝議郎柱國隴西公構輟自澄城宰於茲邑則構
嘗爲澄城令又云孜孜於理本心鏡愈明矻矻於化源恩
波彌洽則構之令夏固有可稱縣志僅志其修禹廟而於
治績一不之紀亦云略矣記專爲備禹廟什物而立末題
應書判拔萃前鄉貢三傳傳單記唐會要卷七十六長慶
二年二月諫議大夫殷侑請置三傳科謂左公羊穀梁白身應者

請同五經處分唐書選舉志凡三傳科左氏傳問大義五十條公羊穀梁傳三十條策皆三道義通七以上策通二爲第昌黎集送張童子序州若府總其屬之所升定其可舉者貢於天子謂之鄉貢有司者總州府之所升第其可進者以名上於天子而屬之吏部謂之出身又選舉志選未滿未滿選限而試判三條謂之拔萃中者卽授官舊唐書懿宗紀咸通六年七年皆有試拔萃選人事覃書銜曰應書判拔萃鄉貢三傳是有鄉貢有出身而未選官者無出身不得至
吏部應拔萃唐制擇人之法四三曰書楷法道美四曰判文理優長此之謂書判隴西李氏望故曰隴西公唐夏縣隸陝州大都督府故曰陝府李構夏縣志作備誤碑見通志金石記

碧落碑

碑高五尺五寸廣三尺正面篆書二十一行行三十二字
碑陰上刻黃公記下刻釋文十五行行三十一字正書今

在絳州
儀門

碧落碑文

有唐五十三祀龍集敦牂哀子李訓誼謨謚銜恤在疚真懷
靡所未言報德思樹良因敬立

大道天尊逮侍真像粵若稽古顓臾遂初真宰貞乎得一混
成表於沖周(玄)之又(玄)蹟起言象之域惟恍惟惚理冥視聽
之端是以峒山順風勞乎靡索汾陽御辯有然自喪曠矣哉
道之韞也其寄於寥廓之場焉至於玉笈宣徽琅函吐秘方
壺神闢蒙穀靈遊倏忽九陔導飛簾而從敦圉俯仰六合戴
列星而乘雲氣固亦昭章逸軌勝縉孤風(淳)化其瞭幽契無

爽伏以

先妃含貞載德克懋瓊儀延慶台華正位

藩閭動容資於典禮發言光乎箴訓故紘綖是肅棗
威無違大當叶曜中閨以睦況倚閭分甘之澤徙居側昝之
規義越人倫恩深振古重以凝神道域抗志澄源淮館儀山
叅鴻寶之靈術楚壇敷教暢徽言之盛範儒元兼洞真俗兩
該德行母儀事高嬪則豈圖昊天不惠積善無徵咎罰奄鍾
荼蓼俄集訓等痛纏過隙感切風枝泣血攀跼自期顛殞恆
奉 嚴訓慈勉備隆偷存視息遄移氣序 几筵

寂寞瞻望長違創巨徒深寄哀何地所以貪逮餘漏祈禱
宗敬寫真容庶幾終古而土木非可久之致銘鑄為誨盜之
先肅奉 冲規圖輝貞質粹容伊穆_玄儀有煨金真摛

耀疑金闕之易奔琳華揚彩若琳房之可覲霓裳交映歛駕

斯留帝晨飾翠雲之美香童散朱陵之馥載彫爰數式展歲
析以此勝因上資神理伏願栖真碧落飛步黃庭謁羣帝於
天關携列仙於雲路融心懸解宅美希夷注儀隣以洞渙指
乾坤而齊極介茲多祉

藩度惟隆如山作固永播熊

章之烈循陔自勗冀申烏鳥之志孔明在鑒匪曰道遐昌言
嘯聞庶斯無拔昔人銜哀岡極鈇槩騰聲柔紛克劬義切張
愚之誅至德興思痛深陸機之賦況清輝懋範宛若前踪瞻
言景行敢忘刊紀餘魂弱喘情不逮文謹託真猷直書心事
音儀日遠風烈空傳叨心感慕終天何及

咸通十一年歲次庚寅七月辛亥朔十九日辛酉鄭承規

奉 命書

按碑末題咸通十一年七月辛酉鄭承規奉命書金石萃

編云自咸亨元年造像刻記至咸通十一年釋文刻石相距二百十年不知何以忽有此釋文之刻據元嘉傳稱神龍初復爵土以第五子訥嗣傳至孫煒建中中改王鄆後懿宗以鄆王卽位復改嗣韓王懿宗建號咸通此碑殆以韓王復嗣而追崇其先祖及於遺碑因加以釋文也又按此碑篆文自集古錄金石錄國史補廣川書跋石墨鐫華金石史金石存潛研堂金石跋尾皆有辨證宋人已莫能定爲何人所書今絳州志碧落碑在州儀門內碑陰刻鄭承規釋文遭宋元兵燹缺裂訛謬有後人新刻一碑僅存形似然則此碑至今已非完本 國朝汪氏錢氏皆極言篆文之可重而重摹已久究非原刻王氏以汗簡較之不合者頗多今錄釋文以備好古者之參稽可也碑云子李訓

誼謨謚衡恤在疚云云按新書宗室世系表韓王元嘉子
潁川公訓武陵郡公誼黃國公謨上黨郡公謚與此碑次
序正合又諸書於此碑考證特詳今不具列文一刻在澤
州係磨崖今不存

高壁鎮通濟橋碑

碑高二尺八寸廣五尺七寸三十二行
行字不一字徑九分行書今在靈石縣

河東節度高壁鎮新建通濟橋記

蘭陵蕭珙撰

粵茲雄鎮實河東之要津封接蒲城當舜夏墟口舊地有關
曰陰地有亭曰鴈歸固晉川之一隅通汾水之千派金流洶
湧林麓森沉東控介巒西連白壁峯巔万仞壁峭千尋足食
足兵有威有固則代郡鴈門何越之有至若駟騎星馳華軒

雲濤往返駢闐者皆

中朝名士悉憇駕於鴈歸亭未嘗不題藻句紀年代也西南松門洞豁逕通千里巖巘隱映多輪囷者居焉口暝遺運者衆混流箭激不可渡之雖有葉舟過者懷疑或覆溺殆人或駐滯遊子几經渡者咸有咨憤之詞伏會

兵馬使清河張公領是鎮初有闕城居人百姓等偕詣柳營請剏建長橋以導達津阻

公挺擲人表導全禮樂器兼經濟才為時生深惻隱運良籌允所陳而名節級愈曰吾北離

旌檠南過斯軍致舟車不便衆有蹙容胡為闕河字人矣遂請當鎮咸通觀音院主法大德普安激勸多輩結聚青鳬兼自減月俸以咸通九年戊子歲五月九日興良工政綱條畢

能乘時遂便自利出材勉為甘言賞勵短匠不日畢成是橋
長一百尺闊一丈五尺下去水四十尺砌置門屋立鏤鑰安
華表柱俾閣者潔嚴掌轄署其名曰通濟其橋南有古之魯
氏石橋雖名揚寰海而通濟之義莫太茲也由是自華亭鬪
虹標飛鵲脚架雲棧迴朱檻化蟬蛸於洪波騰華鶴於朱戶
炳煥方面蓋以壯

皇家天外北門之咽扼耳曩者亭際中流有恠石感浪聲砰
轟若雷霆震而不息兩堤人□辯其言音狀有蛟螭潛處其
下居者嘗虞罕窺其禎咎

公以建橋之日奠銷酒祝之其聲頓止是□□規風振俗乖
應昭彰故得磊落妖聲潛弥水府以表

我公之勲業巍巍乎愚才非敏達不紀□殊績綴斯文用刊

貞石是十三年壬辰四月十五日紀

節度衙前兵馬使勾當關鎮務銀青光祿大夫檢校太子賓客上柱國張諗

儒林郎守靈石縣令路誨

承務郎行靈石縣主簿裴□

軍判官宣德郎試汾州長史馬瞻

十將雲麾將軍試殿中監梁季真

權副將陳之戡

勾押官齊順

押衙李公成 康少千 秦元貞 范君政 馬士

虞侯許敬立 常宗約 秦行和 趙存寶 張元茂

將虞侯任琳亮

押官蓋公茂 曹耕顏 田仗

庫官趙文晟

印官安季駢

使官楊元信 范元操 王憲文 王宗禮 辟懷岌 蔡

全

權押官張從佐 薛□□ 衛義深

橫巡張公素 儀季穆

稅木官儀季程

糧料官高弘

行問官季公亮

直頭康少晟 王國忠

行官蔡全真 王大敢 賈義宗 元君集 溫行初 秦

君立 賈宗慶 衛元寶 張重寶 任行恭 張敬武

李君雅 王文亮 蓋從諫 封建忠 韓公亮 張元順

秦士和 邊慶

城局鄒行深 邢懷寶

外巡李文緒 霍元政

橋門子劉行周 王太和 孫惠

應諸火山施主等孔季武 張楚 索季用 張從諫 張

從亮 唐元迪 武元晟 瞿建 王忠順 張閏江 王

忠政 陳約 王慶 李弁 武憲 張政 王弁 儀和

李愜之 順闢宗 梁晟 范元真 許賀 郭維則

李宗 許義 張文則 郭亮 傅懷亮 牛楚 劉亮

蔡字斌 蔡恭 蔡宗 秦行方 席弁 秦詵 任

□ 任恭 秦迴 籍榮 張公緒 張岌

造橋邑長前石州押衙□□錄事范楚

邑人李隣 李再亮 張茂貞

都勾當造橋法學沙門普安 禮經僧應堅

都料匠王恭

老人賈公亮 李元晟 季公緯 衛季武 藍慶 鑄字

人

此河東高壁鎮造橋記蕭珙撰靈石唐屬汾州霍州唐霍
邑屬晉州唐時河東道河中節度使理河中府蒲州改置
管州五晉州屬焉河東節度使理太原府太原晉陽二縣
郭下管州十一汾州代州皆屬焉晉水出晉陽西南東南
過其城注汾水西南至汾州一百七十里汾州靈石縣北

至州一百二十里汾河在縣北介山在縣東白壁嶺在太
谷縣境而當此高壁鎮之西記稱河東要津封接蒲城晉
川一隅汾水干派東控介巒西連白壁以兩唐書及元和
郡縣志分證之可以得其形勝記云松門巖巘輪礮者居
焉則是鎮西南爲產礮之所唐書無考元豐九域志晉州
城南有煉礮務慶厯元年置西北七十里有礮山霍爲晉
屬靈石又與霍近當是毗連數邑皆有礮山此記旣及輪
礮則唐時已開礮務不始於宋仁宗之世兵馬使清河張
公卽張諗節度衙前兵馬使句當關鎮務與軍判官當由
節度所辟未詳官品舊唐書職官志銀青光祿大夫從三
品文散官太子賓客正三品文職事官上柱國正二品勳
官宣德郎正七品下承務郎從八品下儒林郎正九品上

並文散官州長史正六品下諸州上縣令從六品上主簿
正九品下十將雲麾將軍者十將軍散號內有雲麾武散
官殿中監職事官並從三品副將者當卽鎮將之副上中
下鎮將皆有鎮副上鎮副正七品下中鎮副從七品上下
鎮副從七品下曰高壁鎮曰通濟橋曰陰地關明一統志
縣南二十里汾水西曰雁歸亭曰松門曰魯氏石橋曰咸
通觀音院皆足備輿地之勝張諗諸人亦志職官者所必
錄也碑見通志金石記

任茂宏墓志

石高一尺五寸廣一尺四寸五分二十八行行二十八
字至二十九字不等正書今在汾陽縣牧莊龍天祠

唐故任府君墓誌銘

并序

文林

并書

口安民為政嗣美嘉譽卓然有土親人漢官所重軒裳祿仕
譜謀詳諸一系金 命也 曾祖諱巖皇任鄆州鄆城

縣令 祖諱貞古皇任郴州臨武縣令 烈考諱清口任

宗正寺光陵令義方垂慶貽厥子孫可謂吐耀人倫順時鵬
舉也公諱茂弘字廣之四盛口躬五常人物 王畿少仕

懸絲守規 懿宗皇帝之五年蒙威遠軍釋褐奏授朝議

郎行右武衛翊府兵曹充表奏判官後六年選授陝州璽寶
尉秩滿廉使以公蘊不羈之才署觀察衙推口委口難前後

繫維入載中和初

天子幸蜀有起請於東周調集北京榆次尉 元戎以庶

績振憂勞徵幹蠱器能首舉榮被薦章奏授汾州永休縣令
字人有術以公滅私剏而無虐敏以濟衆既畢常考卜居雲

水文德改元良牧命假西河宰生靈是寄邪僊屏蹤軍旅之事交馳道義之門口啓矧夫懇祈解印知足遂閑僅周暮召州太守李公請充團練判官公奉公私為舟楫之利洽上下擬膏腴之歡經濟在懷合臻光大何期昊天不惠奄歸九原盈日西傾巨川東注大順二年十月二日暴卒于汾州之私第春秋五十有五銜惠者興歎知名者愴懷晉渤海高氏燕齊盛族漢魏名家黃鳥玉珮以和鳴角枕錦衾而永廢有子四人長曰雷口前汾掾亞曰麟郎稷門修業次曰應郎行者總角之初有女四人長曰婉娘湏適劉氏次曰娥娘瓊娘口崇內典咸願披緇幼曰延娘始乎四歲溫恭立節孝友承家皆泣血號天哀欲滅性公累代松楸遠寓秦郊方今國步多艱難馳旅視則以其年十一月二十四日權安厝於州西南

八里西河縣文信鄉白草溝之原禮也嗚呼玄黃眇邈修短有常脫蟬蛻以冲空去瀛州而絕信公夫人高氏輦之族紳也熟窺懿範願紀壯猷敢以直書而慙敘述不至其銘曰

令圖撫俗 明仁吏師 冰壺皎潔 賢彥所知 陽舒陰慘 天地與時 大哉變化 振古如茲

伯牙痛兮知音盡 蕪葭落兮失英雋 存丹元兮杳無極 齡□□兮皆委順 鸞鳳去兮留嘉名 龍淵沒兮彰利刃 □□□兮何茫茫 奔乱世兮潛靈運

按通志金石記引汾陽縣志石道光三十年耕者得於城南牧莊河灘中撰書人及前數行剝蝕難辨文略云曾祖

嚴鄜州鄜城令祖貞古郴州臨武令考清宗正光陵

按唐穆宗

名陵令公諱茂宏字廣遠懿宗皇帝之五年威遠軍釋褐奏

授朝議郎行右武衛翊府兵曹充表奏判官靈寶尉

志文云後

六年選授陝州靈寶尉

署觀察衙推

志文云前後

中和初調北京榆

次尉薦授介休令文德改元假西河宰再奏充洛州判官

大順二年卒於汾州私第春秋五十有五其年十一月權

厝於州西南八里西河縣文信鄉白草溝之原有公累代

松楸遠寓秦郊語知茂宏爲陝右人與舊五代史任圜傳

京兆三原人合又有公夫人高氏輦之族姊熟窺懿範願

紀壯猷語知志爲高輦作舊五代史後唐明宗紀有秦王

府諮議參軍高輦又見於歐史及五代史補諸書或卽其

人

以上節錄金石記

按志云懿宗之五年卽咸通五年後六年選

授陝州靈寶尉卽咸通十一年廉使者陝虢觀察使云秩

滿授衙推前後久載則已在廣明元年僖宗以廣明元年

幸蜀而此云中和初蓋據任君授榆次尉年其云調集北
京唐以太原爲北京榆次尉元戎奏授介休令元戎謂河東節度

中和三年六月以前爲鄭從譙七月以後爲李克用唐制
四考爲滿故云旣畢常考卜居雲水蓋滿後卽僑寓於汾
又云文德改元良牧命假西河宰解印僅周基洺州太守
李公請充團練判官新表洺非團練州此蓋充邢洺團練
判官按大順元年李克用始得洺州以安金俊爲邢洺團
練使見通鑑大順二年李存孝爲邢洺節度使碑所云李
公或其人任團傳又云祖清成都少尹父茂宏避地太原
奏授西河令亦與此碑官合志云曾祖巖鄜州鄜城令唐
志鄜城本隸鄜州武德二年改隸坊州茂宏曾祖官鄜城
似非武德初年疑志誤又高夫人墓志言五子而此碑言

有四子不盡合至一碑諸子之名各不同蓋一舉小名一舉官名也

樂氏二女父母墓碑

碑高二尺五寸五分廣一尺七寸五分二十二行行四十一字至四十八字不等正書今在靈關縣南九十里櫻桃

寧

大唐廣平郡樂公之二女靈聖通仙合葬先代 父母有五瑞記

師至□秦通□□靈在櫻桃郊東地王家地內其靈一也
又三月七日村人等再將酒脯香火於所通去處乞靈
驗嘗有旋風指引此□□其靈二也 取石之日於古
任村西山便見此石下有白蛇其靈三也 又載石之日
有仙鹿二口於車前過其靈四也 又卜地之日聞空中

悲聲其靈五也

夫聞通天者日月星辰而著象觀地者山川海嶽以成形然則四時生焉百物興□□□愚彼虛歷春秋肅二凡庸潛過歲月惟論感應幾種澄祥神祇昭彰未有不遵樂女二神之望德者矣不知□□□□不變化現何時古壩任村園□□廢蹤留洞口廟立茲川墜落金釵猶呈繡履求恩者家寮皆至乞福者俊豪咸臻歲儉求之即豐時早求之即雨名傳九府聲播三京致謝而有似雲屯列選而如同霧集昨者春祈之際至女通三□父母魂靈苦要重葬雖□□語意甚□疑既顯明師請□靈驗當行應瑞異種禎祥敢不虔誠修營葬禮棺槨脩製碑□□之儀注皆成奔馳道路地名山号已行前街選擇明堂永記樂翁諱山寶母楊氏起立之松

栢其景也生蛇屈曲鳳翼迴翔前□□□後似群羊一伍一
昂狀如走帝具標仙景史籍常存緣有六雄壺關上望地連
三寶靈藥紫團寺額雄山仍通麥積靜林□□上黨荒城塋
接秦開川呈赤壤是日也感得祥雲五色慧日重輪鸞啼谷
響猿叫山昏靈禽異獸悲號慘聞助葬者□□五縣贈財者
千村萬村英雄秀士文武官勲排比威儀花隊輦輦斗帳羅
衣繡衣煙霄逸路車馬駢駢莫□□數若乃考尋奧義不委
何代而興史籍無虞未審何君而滅既道名諱姓氏咸衣爲
緣祥瑞頻生皆從栢引□□古人之語萬戶欽尊 二女化
身之時尋至羅神之曲紅裙繡履便是本身凡聖難明幾經
視現違之者灾禍交至□之者恩福俱興遷葬 先□□酬
茲願村人劉劉王美合邑長幼等村南二里地亦有憑衆立

封疆壹畝貳分屬以攝提格之歲六合之年天地同隆陰陽
並運累代深遠今始顯揚万人歸心敢不從政農夫罷業織
婦停梭雲饌千般各施獻禮綏過王仙芝異乱□□長聚兵
柴存起在江西黃巢集於淮北國章否泰天下荒殘離落□
西子張南北此地緣仙宮隱跡 神女呈威雖度危亡不至
傷戮今以妖禁已息百郡咸寧韓魏停征燕趙罷戰尙恐賢
良未辯難保歲寒海變素田改移山嶽寧以軋寧元年甲寅
之歲爲余之月節候朱明甲午良辰寅生二葉瑳磨寶器著
思成文琢石鐫題將爲永記其詞曰

猗歟聖女 感德稱仙 或遊十地 或歸九天 初置松
栢 廣集群賢 故立碑記 徒標歲年

感應詩五十六字

聖女嘉祥推感應
葬儀傷慟九般情
林中愁聽黃鸝轉
巖下惟聞白鹿鳴
慧日流光重抱戴
瑞雲頻現五花成
莫言此地栽松柏
刊石留將記姓名

鄉貢進士張瑜撰

都虞候司十將馮□書

雙匠□□□武

按壺關縣志真澤二仙人廟在縣東南八十里神郊村二真人樂氏女

春秋宋戴公之後有樂氏

微子之後本屯留李村人後徙

紫團鄉益陽里因採靈芝遇風雨昇土人立祠祈禱悉應祠東南幽谷間有真人父母墓其碣署唐乾甯甲寅按卽此碑碑云合葬先代父母有五瑞亦與縣志云真人降神於巫命改瑩兆合通志金石記宋李元儒樂氏真人二仙

碑有碣乃乾甯所作云云亦謂此碑碑云王仙芝異亂

關

長聚兵柴存起在江西黃巢集於淮北桉長上闕尙君二字乾符三年七月王仙芝寇掠河南十五州四年三月冤胸賊黃巢聚萬人攻鄆州五年正月仙芝遣其大將尙君長奉書入朝柴存見九國志從孫儒攻揚州後改再用歸於楊行密碑又云今妖孽已息百郡咸甯唐中和三年十一月李克用攻孟方立取澤潞二州大順二年克用取邢洺磁三州景福元年十月李存孝以邢州叛克用乾甯元年三月克用執存孝殺之碑有乾甯甲寅爲余之月云云是碑立是年四月正克用俘存孝後故云妖孽已息都虞候司十將唐志元帥府有中軍都虞候一人十將乾甯二年韋君靖永昌寨記有節度十將又見五代史明宗紀碑

見通志金石記

慧峰和尚塔記

碑高二尺兩面刻面廣九寸一經一記五行行字不一字徑六分正書今在鳳臺縣心經正書不錄

唐故先師和尚汝州襄城縣

人也俗姓賀蘭氏法号慧峯

於中和戊申歲八月二十八日

遷化去軋益乙卯年建造

靈塔十月功畢故記耳

此慧峰和尚塔記和尚汝州襄城人按舊唐地理志襄城武德元年以縣置汝州貞觀元年州廢以縣隸許州開元三年屬仙州二十六年州廢屬許州二十七年屬汝州二

十八年還隸許州天寶七年復來屬與此記合

廣福寺經幢

幢高四尺八寸八面廣五寸記二行行字不一字徑五分正書額題金剛般若波羅密經幢今在鳳臺縣

金剛經 正書 不錄

弟子李宗大為累遭離亂骨突團圓發願造寶林寺一所敬
畫造迦像一鋪又畫西方淨土一鋪敬畫維摩居士功德一
鋪又畫土王像一鋪以此功德□□□□等歲歲四海□
□□□□□□以往社稷□□官寮祿位轉遷星神合度農
稼豐饒當處靈神□□地大富者男女孝養伏願諸佛□
護家眷安享百患不侵時大唐天復三年歲次癸亥七月已
亥朔二十五日癸亥

此李宗大造金剛經幢天復三年建在鳳臺廣福寺據此

幢則寺舊名寶林廣福乃金所勅賜也

神福山寺靈蹟記

石高三尺一寸七分廣二尺二寸一分三十
五行行四十五字正書今在壽陽縣方山

神福山寺靈跡記

并序

蒙士王居仁撰

前府助教王崇裕書

若夫聖上潛靈運神機之叵測洞含沙界鎮幽廓而難□杳
蹟^玄微類塵雷之不雜究窮源際遐迹莫知聊敘芳猷約千
餘載爰自開元廿七年己卯之歲

聖朝當代文武晏

清天下異人來趨

帝德春三月十五日有白衣長者

來屆孟縣西南大賢村高山奴家內其家福善宿值良緣靜
室香居安留長者三年造論人所不知常自外齋容儀轉好

意樂取靜別卜東南馬氏谷中安禪土洞栖心閉目閑過五
秋信杖煙蘿次移西北韓公庄上又度三冬大教將行欲慕
斯域長者姓李滄州人也修普賢行劫滿僧祇毗盧化身位
超十号託隴西而為姓權示俗流霞帔角冠道容凝寤身長
七尺二寸目貫堂堂春秋九十有齡顏如花笑寬欄大袖常
不束胷跣踈跣如蓮捧足匪閑名利增意大乘旨趣花嚴
切圓心要行同前佛體證一如長者湛然嘿而斯用將道汲
濟來自海隅雙鶴前飛神光引路山王負袂猛獸歸降不是
真人焉能伏虎遍巡嚴谷追訪盛蹤屆此靈園虎不前邁大
士案之神喜龍驚拔樹涌泉光騰五色穿崖作洞結草成廬
長者栖神闢揚大論纔開寶偈異瑞絕倫天文奉香積之滄
仙童獻長生之菓不燄燈炬口吐神光筆擲霞飛硯騰雲氣

龍天八部咸首虔誠諸佛聖賢十方圍遶
如滴玉辨似縣河旋製旋書契含真意啓
餘五閨約集萬言粉飾花嚴重新海藏不
翻梵本直注唐文纂錄要闕卅餘軸邪源
息浪正法騰輝五濁世中佛日重現造論
斯畢掩□停文天女還宮仙童上累長者
忽因戲會告別檀那長幼咸驚悉垂雙淚
却歸洞室頃止禪床殷息收神奄然身□
當爾龍蛇遮戶二鹿悲鳴雙鶴翱翔衆禽
嘶泣山昏樹架七日閉明住下門徒並皆
成服長者靈骨葬在山北樹林之中石_記
是也所造十二緣生解迷顯智成悲十明
論長者親書之本鎮在山門寫本利人流
傳天下即今所置院基舊是逝多林蘭若
况此福秀神山晉朝封号始從混沆盤古
立名聳峭孤鸞迴拔羣嶽平觀宇宙坐眺
寰中闕東□□灤青煙望西秦一條白練
南隣開

闢與壽邑之連城北視五峯隔仇由之故國千年古木踳屈
盤虬萬歲孤松倒□金鎖林間虜伏池沿龍潛異獸靈禽常
於中止似歌似笑似語似吟讚長者之無窮感德人之盛化
鐵圍頂上廟宇□幽泣怨池傍氣連霄漢凌天壯柱有堯墀
之舊基貫國名山駐安邦之靈廟院安中腹勢抱壑隈玉□
重重青岑疊嶂長者聖躅大士遺蹤歷廿相承建茲精舍頌
因先 帝濤太真宗灰燼佛門尊容殂滅厥有歿故大師
諱靈徹俗姓張遼郡人也師類悟真空早懷悲愍訪求知識
廣利人天驟鈴雲林頃錫巖巖緬思佛地方願修持杖室纔
戊化緣將畢今有上足門人法引鑒脫塵囿年進道褰裳
問法頃曉(玄)機不下曹溪傳燈化衆師資接袂紹繼山門光
拂梵宮不陷師德化緣兩縣檀信歸依往返如輪竭成殿宇

塑尊容一鋪粧璫金粧以脩丹毫坐蓆層臺覓橋寫月後堂
大聖帽襴衫雪杖點清涼對波離似言而不聞遣佛陀取經
於西國東間置長者之影廟儀質若生二女掌戲於鮮花雙
童青衣而給侍左傍立庠按據論文山納續容瞻礼無盡當
面北辟造六臂觀音中院簷前盡十六羅漢十王地藏與悲
誓救於三塗十二相徽觀生□老於縣壁斜簷足溜樓倚青
霄力士金剛拳威護法僧堂接棟削長者之舊龕厨庫連□
對東嶼而似閣面廊布運排五鋪之星樓一院全新砌金塔
而滿地臨門甃道勒石爲人似說法而似聽似衽揖而□禮
西北上方奇剎鑿壁懸龕倚万丈之峻峯立一尊之丈人相
如滿月白比金山放一毫光照三千潤羣生福霑沙界泉流
足下雲起旋螺覩此真容不記年代東南數百餘步截嶺營

集先後之名骸置靈園之鴈塔高竿百尺懸雜口之盤虬
幹玉為幢書惣持之章句滿谿松栢不因植而自生遶澗叢
林逐春秋而滋長修塑功德價直万緡起建伽口計餘千貫
法弘大德苦心化道竭力崇成耿蓋堅熬練辛如鐵不推寒
暑豈憚區勤瞻濟往來兼申供養卅餘載累歷飢荒確守山
門未曾暫廢布衣縮食道細白鹿未法時中一輪孤月花嚴
般若日夕諷持秘密修行嘿傳心地摩尼寶印以繼衣珠解
脫道中實將無漏居仁曾遊海內久歷寰中尋古事之哲儀
舊先朝之理化詞庸智訥辨瑣才微讚不盡言聊成斯記
其詞曰

雄雄福山 与天相博 仰視羣峯 下臨千壑 碧水

潺潺 層雲漠漠 口口巍巍 貞松落落 二鼠推移

桑田變改 刻石為銘 垂芳萬代

天祐四年歲次丁卯五月丁丑朔十四日庚寅建

按通志金石記神福寺靈蹟記天祐四年王居仁撰王崇

裕

今刊本訛作王崇裕

書舊通志方山寺在方山一名神福山有上

寺下寺為唐李長者通元建後化龕中壽陽新志李長者

遺蹟有宋張商英僧宗勝二碑不錄此碑僅見秦東來唐

碑詩及長者傳注或原石佚而志又采其文甚多俟考

以上

節錄通志金石記

按通志未見搨本故爾云云今檢壽陽志祁文

端寫藻靈蹟詩注唐天祐四年神福山寺靈跡記王居仁

撰王崇裕書卽此碑詩有唐石龕若絹之語是不僅見秦

東來詩及長者傳也碑言先帝濤汰真宗灰燼佛門眞容

殄滅者卽通鑑各書會昌四年毀佛寺像勒僧尼還俗事

又碑所言大師靈徹暨門人法宏皆見壽陽縣志志言法宏師靈徹有道行武宗朝沙汰僧尼山中梵剎拆毀幾盡宏募資鄰縣無間寒暑近山民左慶等德之爲施莊田數十頃乃重新山寺立長者像命弟子取經西竺與碑所云檀信歸依竭成殿宇塑尊容取經西國等語合五代史天祐四年梁篡唐晉王克用父子奉唐朔稱天祐孟縣屬太原府爲晉地故猶系唐年至天祐二十年始改同光元年秦東來詩晉民不忍忘唐德一髮千鈞在此碑謂是也碑見通志金石記

封白雞山記

碑連額高三尺一寸廣一尺八寸二十一行行二十九字至二十字不等額題五字俱正書今在平定州東二十里龍莊村白雞祠

河東節度觀察處置等使同三司守太傅中書令嗣晉王

食邑五千戶李□

監軍使特進右監門衛將軍賜紫金魚袋張

卽度判官金紫光

祿

大夫檢校尚書右僕射賜紫金魚袋

王緘撰

夫以玉燭搖光碧落霄懸於合彩金輿厚載丹靈毓於祥
音斯蓋運契星躔道符天意流渾化於萬類動植咸熙抽勝
榮於九章華夷景服王澤流於口餘風悅於下故有連雲峭
壁鸛如畫之煙嵐質異山梁翥凝霜之毛羽是知鳳鳴汧右
千年而山得佳名鶴降遼東萬古而地稱佳號我嗣晉王
珠庭表異玉卽傳榮廓氛侵於中原躋生靈於壽域圻斫麟
史征南徒釋於三編擒縱龍韜忠武虛譚於八陣劒橫大樹
戟中小枝睦隣而復殲東征俗富而巳歌栖畝矧乎三清汾

派九合昇壇刑白馬以會同盟致丹鼠而亡巨猾昔歲金橋
之戰勢掩昆陽近年洹水之征威符灝上豈謂重燃興燎惡
蔓猶滋猳跳將害於周禾烏合連群於伏莽于時躬提千乘
途邁六晨行方結於魚麗路復經於龍墅睨蒼翠之側於蔚
蒼之中覩靈雉而伍翔當神騏之逸足可謂復舒皓色玉潔
爭光有同於天上飛來無異於日前化出粉形踴竦熒熒而
朱點雙眸霜距拳翹閃閃而雪翻兩翅

嗣王祝之曰既瑞世瑞時可勿驚勿畏乃虛之以雕籠擁之
以襟袂忘十步一啄之心有帝扇后榆之羨若棲在於瓊花
枝上皎潔爭分或飲之於水精壺邊晶熒莫認又命此墅也
稅蠲青畝山封白鷄前古之越常入貢効祉殷朝而今以
晉主薦祥永光唐史緘學慙重席世奉初筵背文終愧於色

絲髀鄱應還於夢錦止唯紀事以刊綿長佐命忠勲序列銜
秩時天祐十載龍集癸酉鴻鴈來賓之月十五日謹記

按平定州志白雞祠在州北二十里龍莊村五代唐莊宗

至此獲白雉因立廟碑立於天祐十載卽梁乾化三年朱

氏篡唐晉王克用仍稱天祐之號克用薨莊宗嗣立亦稱

天祐天祐十年則莊宗嗣晉王之六年文云昔歲金橋之

戰勢掩昆陽者指謂五年解潞州圍破梁師於夾寨也近

年泚水之征威符淝上謂七年救趙王鎔敗梁軍於柏鄉

也又云於時躬提千乘途邁六晨行方結於魚麗路復經

於龍墅以上參通志謂王親征幽州時以通鑑考之乾

化三年十一月甲辰卽天祐十年晉王自詣幽州壬戌克之計

月日在樹碑後又通鑑乾化元年卽天祐八年七月趙王鎔會

晉王於承天軍由太原至承天當逕白雞山或即獲瑞兆

時此在戰柏鄉之後克幽州之前以碑文未領撰碑文爲

節度判官王緘通鑑貞明四年晉師敗於胡柳魏博節度

副使王緘與輜重俱行皆死新五代史記作掌書記王緘即此人按貞

明元年六月晉王兼領魏博節度使即天祐十二年緘以工書記

從王參歐史盧程傳由河東節判遷魏博節副必在天祐十二年

後天祐十年正緘爲節判時以唐會要諸使雜錄卷考之

河東節度有節度副使判官掌書記觀察判官支使推官

巡官留守判官各一員唐河東節度兼北都留守合諸史證之晉王幕

寮之可考者河東節副盧汝弼掌書記盧質觀察推官盧

程留守判官何瓚緘不得爲掌書記薛歐史未核通鑑開平二年有河東掌書記盧質貞明三年

質仍爲掌書記此緘皆與緘同時新書百官志金紫光祿

未爲掌書記之證

大夫正三品文散階尚書右僕射從二品按唐末大亂節

鎮幕寮牙校乃有檢校僕射者通鑑文宗紀幽州節度使

楊元忠以求檢校僕射爲榮故知乾符以前必無檢校僕

射之節判

按唐檢校官以次遞進檢校吏部尚書乃進僕射再進非平章事卽三公矣

監軍使

張卽張承業特進從二品文散階右監門衛將軍從三品

通鑑貞明三年晉王承制授承業開府儀同三司

從一品散階

左衛上將軍

從二品

承業不受但稱唐官以至終身則此碑

所書銜皆唐時所授唐節鎮節度主武觀察主文以軍言

則爲節度使以民吏言則爲觀察處置使二職各有印各

有屬官以一人兼之故鎮河東者制例授河東節度觀察

等使

如別有軍號者如成德則曰充成德軍節度恆冀深趙等州觀察處置等使

百官志太傅

三師正一品中書令正二品碑前結銜同三司當作開府

儀同三司從一品階官爲正一品職事官故曰守嗣王食邑五千戶從一品見新書百官志又按天祐十年唐社之屋已久而碑文曰千乘曰九合蓋猶恪守臣服之制也通志乃有微詞過矣又舊五代史王緘傳幽州劉仁恭故吏少以刀筆直記室仁恭假以幕職令使鳳翔還經太原武皇留之署爲推官歷掌書記從莊宗經略山東承制授檢校司空魏博節度副使緘博學善屬文胡柳之役緘隨輜重前行歿於亂軍盧程傳初判官王緘從軍掌文翰胡柳之役歿於軍按緘傳不言爲節度判官盧程傳言爲判官合此碑證之則緘實爲判官蓋時緘以工文在幕府職爲判官而幹書記之任也傳云檢校司空又爲檢校僕射後進官亦可參證碑見通志金石記不言今在由未得搨本

爾

開元寺銅鐘記

鐘三面面高一尺九寸五分廣二尺十八行
行字不一正書陰文今在鳳臺縣天慶觀

昭義軍節度使澤潞磁邢洺等州觀察處置等使開府同三
司檢校太傅兼侍中潞州大都督府長史上柱國隴西郡開
國公食邑一千五百戶李嗣昭新鑄澤州開元寺寺神鐘
記

夫晨鐘夕梵交二音於鸞峯惠日法流轉雙輪於鹿苑是以
息諸萬類化脩千魚聞之者解脫湮淪製之者恢弘福祚我
府主侍中德推賢德明洞

英明勲業至隆政績弥厚一自鎮臨茲府不暇從崇綿歷歲
時堅營勝事昨於龍興寺親垂指度大建鴻爐開寶庫而捨

倖金徵拓匠而鑄神器不移兩月之內新舊獲鐘四口各餘萬斤內一口緣澤州元無化銅至府亦就陶鈞可表金石至堅天人合契聲流九地遐宣厚□之恩韵徹三天遠播曾身之表曉羣生於覺路坑庶品於迷途並勒銘文芳傳不朽伏願侍中萬代康寧法界□□□□□□□□同作此福時天祐十一年七月十三日

此李嗣昭銅鐘記嗣昭範鐘四尙存其一也按五代史天祐五年梁主入澤州以兵攻潞爲存勗所破梁將康懷英遁歸時晉攻澤州不下中間取澤年月史傳失載據記知李嗣昭入澤州軍府在天祐十一年可補史闕嗣昭結銜澤潞磁邢洺等州觀察處置等使考五州系昭義舊管嗣昭此時甫得澤州尙未能有磁邢洺也碑見通志金石記

郭存實造陀羅尼經幢

幢高三尺七寸五分八面面廣六寸記三行
行字不一字徑四分正書篆額今在鳳臺縣

佛頂尊勝陀羅尼經 正書 不錄

弟子太原軍招信都廂虞侯郭存寔以天祐拾柒年庚辰歲
暮春之季無□□巡遊到寺復覩名山瞻眺境奇發願於

羅漢樓前建立佛頂尊勝陀羅尼經石幢壹隻□□

□□□□□□□□石存實所造紹德意著伏願烽煙早
息鐵騎罷征四民樂業五穀豐登於□□□□□福兩
地骨肉安康自身職祿日遷保歡榮於曠下次願法男有□
□□樂□□時天祐十八年歲在辛巳四月丁巳朔十一
日丁卯太原郡大同軍□□□縣郭□□建

沙門玄依 上座僧神

此郭存實造陀羅尼經幢唐天祐十八年立按五代史朱
溫篡唐太原淮南仍稱天祐淮南至十五年改武義太原
至十八年改同光唐號至此始亡存實造幢於十八年明
年卽革唐號矣碑見通志金石記

高夫人墓志

石高廣皆一尺五寸七分二十一行行二十一字至二十
三字不等正書額題任公夫人高氏墓志銘九字篆書今
在汾陽縣牧莊

唐故代州刺史任公尊夫人高氏墓誌銘

并序

昭義軍節度副使朝散大夫檢校右散騎常侍兼御史大
夫上柱國賜紫金魚袋姚崇休撰

口之得姓始自齊太公食萊於高因以為氏 尊夫人門
徑口素世襲簪纓雍和為族緒之宗德行乃風規之表及笄

之歲適于

令門婦道稟於生知母儀瞻於天副卓然之

子昆季五人莫不懽奉

慈嚴敬衽甘滑長日圖皇慰

典郡次日回皇累字人三日團副起復於重藩四日團運押
奪於雄府五日回方晦居於禮製唯二女早歸娉於德門皆
以才業馳聲輒儀臻譽擅濟國肥家之美蘊輝今暎古之能
內外諸孫訓勗無怠男即著功於習學女唯勵志於賢明積
善弥隆餘慶景驗 尊夫人每精調攝常保乂寧復興遽爽
於朝昏鑒治空勞於藥餌輔德之契何縱誕而無徵福善□
言豈流芳而寡信時天祐十六己卯歲十一月十四日薨于
潞州子城之公第享年六十有九壬午年正月廿五日合祔
於汴州西河縣文信鄉上文里崇休幸連戚屬早熟聲輝無
愧荒虛敢申紀述銘曰

惟道素光 惟名夙彰 詩禮並茂 德行齊芳 喜口容
動 怒不氣傷 恢廓之量 万頃汪汪 令子才謨 超
然聞戈 別有風範 一因訓誡 郡訶政美 邑稱民泰
贊佐之猷 藩方是賴 矧茲懿問 何曠循齡 奄歸
大口 當固泉局 迥野摧岳 長空墜星 紀于貞石
千古番名

按汾陽縣志此亦得之牧莊河灘中尚完好可讀署曰代
州刺史任公尊夫人墓志銘撰文者列銜爲昭義軍節度
副史姚崇休按志文夫人以天祐十六年薨於潞州之公
第年六十九此時潞州屬晉卽梁貞明五年是年昭義節
度據史爲李嗣昭崇休嗣昭副使也曰合附於汾州西河
縣文信鄉上文里可爲考唐時汾陽地名者之證又按五

代史任圖爲昭義李嗣昭觀察支使天祐十九年嗣昭戰歿時圖仍爲之屬通鑑同光元年三月有潞州判官任圖銘有令子才謨別有風範贊佐之能藩方是賴文卽指任圖崇休爲副使圖爲支使同官故爲製銘舊五代史任圖傳京兆三原人祖清成都少尹父茂宏避地太原奏授西河令五子曰圖回圖團罔風采俱異與此碑子五人名合今拓本任茂宏墓志考清宗正光陵令亦與傳祖清名合又舊史圖傳武皇以宗女妻圖歷代憲二郡刺史以此碑題代州刺史任公尊夫人高氏並志文長曰圖皇歷典郡考之爲代刺者乃圖非團今刻本薛史誤碑見通志金石記

聖臨菴造像幢

幢七面據拓本量之高五寸四分每面廣五寸四分行至七
行不等行六字至十一字不等正者今在鳳臺縣東四義
村

佛弟子成□□□上柱國□□妻司徒男男奉□男奉僧女

□□□□女天□合家□養佛弟子司西經略軍

安阿□□霍弟一面

佛弟妻陰男司承嗣甥生女要兒合家一心供養弟二

佛弟子司徒茂仙亡父司徒元謹母孫妻趙男崇俊男崇暉

女石子女王子妻母張合家一心供養佛弟子張妻楊

勝光姊姊妹四娘弟三面

佛弟子司徒茂□□□□脊弟□□□□□□□□□□合家

大小一心供養佛弟子郭元葵□□□□□□□□□□合家大

小男寵弟四面

佛弟子上頭□□仁妻常男景暉女□娘子女□人迺暉

女□□女□娘合家一心供養佛弟子尹□□□焦

男先暉□男新□合家大小供養弟五面

佛弟子司徒思□景母郭妻鄭男□金女□娘合家一心供

養佛弟子□□□□大小一心第六面

佛弟子司徒景□□妻鄭男□□合家一心供養佛弟

子張老婆王父元合家一心供順男□□第七面

校鳳臺縣志幢斷為二年代剝落上鐫諸佛像甚古列施

主佛弟子姓名有上柱國西經略軍羽林飛騎尉考

羽林軍漢武帝置羽林至唐貞觀間置左右屯營其名飛

騎又考唐因隋制有上柱國貞觀二年邊州置經略使至

宋祇傳經略三人不常置且無飛騎尉名其為唐幢無疑

按唐平盧朔方等鎮皆有經略軍太宗貞觀十二年始置
左右屯營號飛騎高宗龍朔二年始置左右羽林軍上柱
國飛騎尉驍騎尉唐宋皆爲勳階見諸史志宋慶厯後置
陝西永興五路河東經略使皇祐增廣南東廣南西經略
使志言宋經略三人者未核今拓本益漫漶惟西經略軍
四字可辨如所云羽林飛騎尉柱國驍騎者皆不可見矣
碑見通志金石記

硤石山上方院記

碑高四尺廣二尺二寸二十七行行四十二字至四十三字不等正書今在鳳臺縣

硤石山青蓮寺上方院

銘記

并序

粵以釋氏垂化教顯多門金仁演西域之名東土傳流沙之
曲娑婆境內除十善而足可歸依塵勞男中惡調御而頽口

熱輜於是寺居幽邃掩映林巒觀雙峯之崑勢上接雲煙觀
遠岫之屈盤下生瑞氣東窺藏陰之峭次化三泉西眺中承
之山連其師谷南按伏牛之嶠聖跡可量北望禮浮久欽

靈德異境多端難期具載昔有疏王

高僧遠大師隱跡茲地響譽輒坤

帝澤垂慈

羣情普洽況山門累因

郡侯巡礼躬親數臨蒙

府主以蠲徭別垂惠施晨旦焚香誓報 三友爰

有澤郡邑仁龐 邵言等英哲一十餘人並乃棲心覺道懇

志金園悟苞蕉之非堅喻火中之蓮莠遂以每年春景仕庶
賞遊特減淨資清徒一設於是各拋塵境衆釀珍財同崇石
銘於樓臺之前刊記立於 大師之側伏願

國安謐靜四寶休和郡邑咸

堯舜之風各家喜尊卑

有慶聊興始終後叙勝典

佛頂尊勝陀羅尼

經不錄

西京大興善寺不空三藏奉 詔譯

按鳳臺縣志唐上方院銘記無年月及撰人姓氏前以四
六行文應敘不空三藏譯真經頒行到寺謹將佛頂尊
勝陀羅尼經摹臨上石考唐人百家佛陀波利儀鳳年取
經至西京與杜頗等譯垂拱元年晤三藏法師永昌元
年大愛敬寺見澄法師俱取譯經校勘相符奉詔頒行其
爲唐立無疑碑見通志金石記

相里瑞碑題

碑高四尺六寸廣六寸一行十四
字字大四寸餘正書今在汾陽縣

唐上騎都尉相里公諱瑞神道之碑

按汾陽縣志唐上騎都尉相里瑞墓在縣北二十里小相里之北有碑金石文字記云此碑漫滅特甚其可識者曰上騎都尉相里府君之碑曰相里瑞字鳳威曰夫人任氏而中有孤塋字知其爲武后時立今殘泐更甚餘碑題而已碑見金石錄補

石佛寺經幢

幢入面高四尺每面廣五寸七行行六十七字至八十七字不等正書今在虞鄉縣南三里寺中

佛頂尊勝陀羅尼經序

佛頂尊勝陀羅尼經者婆羅門僧佛陀波利儀鳳元年從西國來至此土到五臺山次遂五體投地向山頂禮曰如來滅後衆聖潛靈唯有大士文殊師利於此山中汲引蒼生教諸菩薩波利所恨生逢入難不覩聖容遠涉流沙故來敬謁伏

念大慈大悲普覆令見尊儀言已悲泣雨淚向山頂禮禮已
舉頭忽見一老人從山中出作婆羅門語謂僧曰法師情存
慕道追訪聖蹤不憚劬勞遠尋遺跡然漢地衆生多造罪業
出家之輩亦多犯戒律唯有佛頂尊勝陀羅尼經能滅除惡
業未知法師頗將此經來否僧曰貧道直來禮謁不將經來
老人曰既不將經空來何益縱見文殊亦何必識師可却向
西國取此經來流傳漢土即是遍奉衆聖廣利群生拯濟幽
明報諸佛恩也師取經來弟子當示師文殊師利菩薩所在
僧聞此語不勝喜躍遂裁抑悲淚志心敬禮舉頭之頃忽不
見老人其驚愕倍更虔心繫念傾誠迴還西國取佛頂尊勝
陀羅尼經至永_淳二年迴至西京具以上事聞奏 大帝
大帝遂將其本人內請日照三藏法師及勅司賓典客令杜

行顓等共譯此經施僧綯卅正其經本禁在內不出其僧悲
泣曰貧道捐軀委命遠取經來情望普濟群生救拔苦難不
以財寶為念不以名利關心請還經本流行庶望含靈同益
帝遂留翻得之經還僧梵本其僧得梵本將向西明寺訪得
善梵語漢僧順貞奏共翻譯帝遂其請僧遂對諸大德共貞
翻譯訖僧將梵本向五臺山入山於今不出今前後所翻兩
本並流行於代小小語有不同幸勿性焉至垂拱三年之覺
寺僧志因停在神都魏國東寺親見日照三藏法師問其逗
留一如上說志靜遂就三藏法師諮受生呪法師於是口宣
梵音經二七日句句委授具梵音一無差失仍更取舊翻梵
本勘校所有脫錯悉皆改之其呪初注云最後別翻者是也
呪句稍異於杜令所翻者其呪新改之不錯并其音訖後有

學者幸詳此焉至永昌元年八月於大敬愛寺見西明寺上座澄法師問其逗留亦如前說其翻經僧順貞見在住西明寺此經救拔幽顯取不可思議忠學者不知故具委曲以傳未悟

佛頂尊勝陀羅尼經

錄

此序所謂大帝者唐高宗也

舊唐書永淳二年十二月己酉詔改永淳二年為去道元年

年是夕帝崩羣臣上諡曰天皇大帝神都者洛陽也舊紀嗣聖元年二月廢皇帝為

廬陵王立豫王為皇帝改元文明七月改元光宅改東都

為神都司賓典客令者武后所更官名也

舊唐書職官志光宅元年九月

改鴻臚為司賓典客本屬鴻臚故曰司賓典客令序作於永昌故所稱官名地名

如此經幢屢見此刻不知何時今次於唐末碑見通志金

石記

山右石刻叢編卷九